

ХУРАЛДААНЫ ТОЙМ

ТӨРИЙН АЛБАНЫ ЗӨВЛӨЛИЙН 2017 ОНЫ АРВАНТАВДУГААР ХУРАЛДААН

Хуралдаан 2017 оны зургаадугаар сарын 08 -ны 14 цаг 10 минутад эхэлж, 15 цаг 05 минут хүртэл Төрийн албаны зөвлөлийн хуралдааны танхим (Засгийн газрын 11 дүгээр байрны 301 тоот өрөө)-д болж 55 минут үргэлжлэв.

№	Хэлэлцсэн асуудал	Гарсан шийдвэр
1	Говьсүмбэр аймгийн нутгийн захиргааны байгууллагын төрийн жинхэнэ албан тушаалын сул орон тоо нөхөх мэргэшлийн шалгалтын дүн	<p>Төрийн албаны тухай хуулийн 17 дугаар зүйлийн 17.3, Төрийн албаны зөвлөлийн 2013 оны 86 дугаар тогтоолоор баталсан “Төрийн жинхэнэ албан тушаалд анх ороход мэргэшлийн шалгалт авах журам”-ын 8 дугаар зүйл, Говьсүмбэр аймаг дахь Салбар зөвлөлийн 2017 оны 05 дугаар сарын 29-ны өдрийн 36 дугаар тогтоол, төрийн албаны мэргэшлийн шалгалтад тэнцсэн иргэдийг төрийн жинхэнэ албан тушаалд анх орох иргэний нөөцөд бүртгүүлэх тухай Төв комиссын саналыг хэлэлцсэн Төрийн албаны зөвлөлийн 2017 оны 06 дугаар сарын 08-ны өдрийн хуралдааны шийдвэрийг тус тус үндэслэн:</p> <p>1. Төрийн жинхэнэ албаны мэргэшлийн шалгалтад тэнцсэн 1 дүгээр хавсралтад дурдсан нэр бүхий 18 иргэнийг “Дэс түшмэлийн ангиллын төрийн жинхэнэ албан тушаалд анх орох иргэний нөөц”-д бүртгэх</p> <p>2. Энэхүү тогтоолын нэгд заасан “Дэс түшмэлийн ангиллын төрийн жинхэнэ албан тушаалд анх орох иргэний нөөц”-д бүртгэгдсэн иргэдээс хамгийн өндөр оноо авсан Гарамгайн Энхтөрийг Говьсүмбэр аймгийн Хүнс, хөдөө аж ахуйн газрын халдварт өвчин, тархвар судлал, мэдээ мэдээлэл, паразиттах</p>

		<p>өвчин хариуцсан мэргэжилтний албан тушаалд, Төмөрбаатарын Хүслэнг тус аймгийн Орон нутгийн өмчийн газрын орон нутгийн өмч хариуцсан мэргэжилтний албан тушаалд тус тус томилуулахаар нэр дэвшүүлэх</p> <p>3. Тогтоолын хоёрт дурдсан нэр бүхий 2 иргэнийг “Нийтийн албанд нийтийн болон хувийн ашиг сонирхлыг зохицуулах, ашиг сонирхлын зөрчлөөс урьдчилан сэргийлэх тухай хууль”-ийн 23 дугаар зүйлийн 23.5, Төрийн албаны тухай хуулийн 16 дугаар зүйлийн 16.2-т заасан шаардлагыг баримтлан, тухайн албан тушаалд томилуулах арга хэмжээ авахыг Төрийн албаны зөвлөлийн Говьсүмбэр аймаг дахь Салбар зөвлөл /Д.Содном/-д үүрэг болгох</p> <p>4. Тогтоолын хэрэгжилтэд хяналт тавьж ажиллахыг Төрийн албаны зөвлөлийн гишүүн С.Цэдэндамбад даалгах тухай Монгол Улсын Төрийн албаны зөвлөлийн тогтоол гарахаар тогтов.</p>
2	<p>Баянхонгор аймгийн иргэн Н.Мэндбаяраас Төрийн албаны зөвлөлийн Баянхонгор аймаг дахь Салбар зөвлөлийн 2017 оны 06 дугаар тогтоолыг эс зөвшөөрч гаргасан маргааныг хянан шийдвэрлэсэн Маргаан хянан шалгах комиссын дүгнэлтийн тухай</p>	<p>Баянхонгор аймгийн Бөмбөгөр сумын 1 дүгээр багийн иргэн Н.Мэндбаяраас “Нөөцөд бүртгэж, нэр дэвшүүлэх тухай” Төрийн албаны зөвлөлийн Баянхонгор аймаг дахь Салбар зөвлөлийн 2017 оны 03 дугаар сарын 07-ны өдрийн 06 дугаар тогтоолын “...Бөмбөгөр сумын Иргэдийн Төлөөлөгчдийн Хурлын нарийн бичгийн даргын албан тушаалын нөөцөд иргэн Г.Магнайбаярыг бүртгэж, уг албан тушаалд томилуулахаар нэр дэвшүүлсэн” хэсгийг эс зөвшөөрч Төрийн албаны зөвлөлд гаргасан өргөдөл үндэслэлтэй эсэхийг шалгасан Маргаан хянан шалгах комиссын дүгнэлтийг Төрийн албаны зөвлөлийн хуралдаанаар хэлэлцээд,</p>

		<p>Төрийн албаны тухай хуулийн 39 дүгээр зүйлийн 39.1.1, 39.5, Улсын Их Хурлын 2003 оны 14 дүгээр тогтоолоор баталсан “Төрийн байгууллага болон төрийн жинхэнэ албан хаагч, уг албан тушаалд нэр дэвшигчийн хооронд төрийн албатай холбогдсон асуудлаар гарсан маргааныг хүлээн авч, хянан шийдвэрлэх журам”-ын “Нэг” дэх хэсгийн 5.1-д заасныг удирдлага болгон:</p> <p>1. “Нөөцөд бүртгэж, нэр дэвшүүлэх тухай” Төрийн албаны зөвлөлийн Баянхонгор аймаг дахь Салбар зөвлөлийн 2017 оны 03 дугаар сарын 07-ны өдрийн 06 дугаар тогтоолын “...Бөмбөгөр сумын Иргэдийн Төлөөлөгчдийн Хурлын нарийн бичгийн даргын албан тушаалын нөөцөд иргэн Г.Магнайбаярыг бүртгэж, уг албан тушаалд томилуулахаар нэр дэвшүүлсэн” хэсгийг хүчингүйд тооцох.</p> <p>2. Баянхонгор аймгийн Бөмбөгөр сумын Иргэдийн Төлөөлөгчдийн Хурлын нарийн бичгийн даргын албан тушаалд томилогдох ажилтны сонгон шалгаруулалтыг дахин явуулж дүнг Төрийн албаны зөвлөлд ирүүлэхийг тус аймаг дахь Салбар зөвлөл /Ц.Дашцэрэн/-д даалгах тухай Монгол Улсын Төрийн албаны зөвлөлийн тогтоол гарахаар тогтов.</p>
3	Төрийн албаны зөвлөлийн Сүхбаатар аймаг дахь Салбар зөвлөлийн бүрэлдэхүүнийг шинэчлэн батлах тухай	Улсын Их Хурлын 2009 оны 87 дугаар тогтоолоор баталсан “Төрийн албаны зөвлөлийн үйл ажиллагааны дүрэм”-ийн 3.3, “Аймгийн Засаг даргын Тамгын газрын бүтцийг шинэчлэн тогтоох тухай” Засгийн газрын 2016 оны 9 дүгээр тогтоолын 1 дэх хэсэг, Төрийн албаны зөвлөлийн 2013 оны 128 дугаар тогтоолоор баталсан "Төрийн

		<p>албаны зөвлөлийн салбар зөвлөлийн ажиллах журам"-ын 1.2 дахь заалт, 2013 оны 105 дугаар тогтоолоор баталсан "Төрийн албаны зөвлөлийн салбар зөвлөлийн бүрэлдэхүүний нийтлэг жишиг", Төрийн албаны зөвлөлийн 2017 оны 06 дугаар сарын 08-ны өдрийн хуралдааны шийдвэрийг тус тус үндэслэн:</p> <p>1. Төрийн албаны зөвлөлийн Сүхбаатар аймаг дахь Салбар зөвлөлийг дараах бүрэлдэхүүнтэй шинэчлэн батлахҮүнд:</p> <p>Салбар зөвлөлийн дарга:</p> <ul style="list-style-type: none"> - Засаг даргын Тамгын газрын дарга <p>Гишүүд:</p> <ul style="list-style-type: none"> - Иргэдийн Төлөөлөгчдийн Хурлын нарийн бичгийн дарга - Аймгийн ерөнхий аудитор - Аймгийн Цагдаагийн газрын дарга - Засаг даргын Тамгын газрын Төрийн захиргааны удирдлагын хэлтсийн дарга - Засаг даргын Тамгын газрын Хууль, эрх зүйн хэлтсийн дарга - Засаг даргын Тамгын газрын Нийгмийн бодлогын хэлтсийн дарга - Засаг даргын Тамгын газрын Хөрөнгө оруулалт, хөгжлийн бодлогын хэлтсийн дарга - Мэргэжлийн хяналтын газрын дарга - Шүүхийн Тамгын газрын дарга <p>Салбар зөвлөлийн нарийн бичгийн дарга:</p> <ul style="list-style-type: none"> - Төрийн захиргааны удирдлагын хэлтсийн Хүний нөөцийн бодлого, өргөдөл, гомдол хариуцсан мэргэжилтэн <p>2. Төрийн албаны зөвлөлийн тус аймаг дахь Салбар зөвлөлийг удирдах ажилтны сонгон</p>
--	--	---

		<p>шалгаруулалтыг зохион байгуулж, дүгнэлт гаргаж нэр дэвшүүлэх, албан тушаалын зэрэг дэв олгох, албан хаагчийн гүйцэтгэлийн удирдлага, ёс зүй, төрийн албатай холбогдон гарсан гомдол, маргааныг хянан шийдвэрлэх чиг үүргийг хэрэгжүүлэх ажлыг мэргэшил арга зүйн удирдлагаар хангаж, хяналт тавьж ажиллахыг Төрийн албаны зөвлөлийн гишүүн Б.Баатарзоригт, Төрийн албанд анх орох иргэний мэргэшлийн шалгалтыг зохион байгуулж, нэр дэвшүүлэх, төрийн албанд анх орох иргэний болон төрийн жинхэнэ албаны удирдах, гүйцэтгэх албан хаагчийн нөөцийн сан бүрдүүлэх, албан хаагчийн сургалт хөгжил, ажиллах нөхцөл, нийгмийн баталгааг хангах чиг үүргийг хэрэгжүүлэх ажлыг мэргэшил арга зүйн удирдлагаар хангаж, хяналт тавьж ажиллахыг гишүүн С.Цэдэндамбад тус тус даалгах.</p> <p>3. Төрийн албаны тухай хууль түүнтэй холбогдон гарсан дүрэм, журмыг хэрэгжүүлэх ажлыг арга зүйн удирдлагаар хангаж, хяналт тавьж ажиллахыг Төрийн албаны зөвлөлийн Сүхбаатар аймаг дахь салбар зөвлөлийн дарга Ч.Энхцэцэгт үүрэг болгох</p> <p>4. Энэ тогтоол гарсантай холбогдуулан “Аймаг, нийслэл дэх Төрийн албаны зөвлөлийн салбар зөвлөлийн бүрэлдэхүүнийг шинэчлэн батлах, дарга, нарийн бичгийн дарга нарыг томилох тухай” Төрийн албаны зөвлөлийн 2013 оны 141 дүгээр тогтоолын 1 дүгээр хавсралтын “Нэг”-ийн 15 дахь хэсэг, 2 дугаар хавсралтын “Хоёр”-ын 15 дахь хэсэг, “Салбар зөвлөлийн нарийн бичгийн даргыг томилох тухай” Төрийн албаны зөвлөлийн 2013 оны 206 дугаар тогтоолыг тус</p>
--	--	---

		тус хүчингүй болсонд тооцох тухай Монгол Улсын Төрийн албаны зөвлөлийн тогтоол гаргахаар тогтов.
--	--	--

**ТӨРИЙН АЛБАНЫ ЗӨВЛӨЛИЙН
АЖЛЫН АЛБА**